

Kreol Morisien Grad 3
Gramer – Fraz interogatif (Paz 16) (REPONS)

Gramer

Enn fraz interogatif



Isi nou trouv Leo ek Tikoulou pe koze. Nou trouve ki Leo pe poz enn kestion e Tikoulou pe reponn. Tikoulou osi poz enn kestion.

Enn kestion ena enn mo interogatif (ki, kifer, kot, kotsa, kouma, kan, eski...) ek li fini avek enn pwin interogasion (?).

1. Mo soulign bann mo interogatif dan bann fraz ki swiv.



Kouma to apele?

Kot to reste?

Ki to finn amene dan to dipin?

Kifer to pa ti vinn lekol yer?

Kan nou pou al lamer?

2. Mo kolorye ti kare akote bann fraz ki poz kestion.



- | | |
|---------------------------------|-------------------------------------|
| Soley lev dan les. | <input type="checkbox"/> |
| Eski lesiel kouler ble? | <input checked="" type="checkbox"/> |
| Ki zour Kenzo pa ti vinn lekol? | <input checked="" type="checkbox"/> |
| Pima ena enn gou for. | <input type="checkbox"/> |
| Kifer Zerino pa pe zwe? | <input checked="" type="checkbox"/> |

16 / paz sez

Sa aktivite-la kapav fer li avek bann paran ou bann frer ek ser, bann dimounn ki dan lakaz avek zot ou pandan enn ti konversasion lor telefonn. Zot kapav sanz bann kestion-la osi.

Gramer

3. Anou zwe. Mo poz mo kamarad trwa kestion?



Exanp: 1. Kouma to apele? 2. Kot to reste? 3. Ki to kontan zwe?

Seki mo finn konpran

Enn fraz interogatif, se enn fraz ki poz kestion ek li terminn par enn "?".

Pou poz kestion nou servi bann mo kouma; Kot, Ki, Kifer, ... ek nou poz kestion pou gagn linformasion, repons, etc.